



UNIVERSITÄTS-
BIBLIOTHEK
PADERBORN

**Syntagma Iuris || Vniversi, Atqve Legvm || Pene Omnivm
Gentivm, Et || Rervm Pvblicarvm Præcipvarvm,||**

Grégoire, Pierre

Francofurti ad Mœnum, M.D.XCIX.

VD16 VD16 G 2999

5 de Confirmatione.

[urn:nbn:de:hbz:466:1-97739](https://nbn-resolving.org/urn:nbn:de:hbz:466:1-97739)

pro puero rogantis, & obtinentis salutem, *D. Matth. 8. Luc. 7. Quinimo & hies secreta & tacita in corde, operata est in hemorroisilla curata tactu vestimentorum domini nostri Iesu Christi, D. Matth. 9.* In \dagger ecclesia primitiua baptismus duobus solennibus diebus tantum extra necessitatis causam, quae accelerabat, fiebat: videlicet paschae & pentecostes, *can. de catechumenis, & ca. venerabilis. de consecrat. dist. 4. can. non ratione, vsque ad ca. constat, ead. 4. dist.* Et ideo his diebus consecratio fontis baptismatis fiebat. *Diem baptismi sollemniorum pascha praestat, inquit Tertullianus lib. de baptis. cum & passio domini, in quam iungimur, adimpleta est.* Et postea, die pascha quo \dagger domini resurrectio celebrata est, \dagger gratia Spiritus sancti dedicata. Ceterum omnis dies domini est, omnis hora, omne tempus habile baptismi: si de sollemnitate, interest, de gratia nihil refert, haec Tertull. Et Niceph. Calix. lib. 2. hist. c. 34. In Thessalia, inquit, mos fuit, ut paschaliis tantum diebus baptismus perageretur, quapropter multi eo sacramento non intincti decesserunt.

18 \dagger Subinde \dagger qui praesentare possunt baptismum, omnes quoque fideles sunt tempore necessitatis: & sine ea quoque, nisi qui specialiter nomine prohibentur, ne patres iustitiae, seu spirituales, seu, ut dicunt, patrum sint. Prohibetur autem abbaibus, monachis, monialibus, vel religiosis personis, *c. non licet, in 1. de consec. dist. 4. c. placuit, in 2. 16. q. 1. 2.* si tamen tenent, eo patres sunt. Et in statutis militum Hierosolymitanorum, sic scriptum est, *ut. 18. c. 3. Non liceat cuiquam fratrum nostrorum in sacro baptismatis fonte recipere absque sui superioris licentia, nisi baptizandus esset filius Baronis, aut maioris domini.* Item qui non estiple baptizatus nec confirmatus, non potest alium baptizandum offerre, *can. in baptis. mate, & ca. in catech. de consec. dist. 4.* excepta causa necessitatis. Nam autem mater que proprium filium de baptismum leuauit, coniugale debitum possit reddere marito, tractatur tota 30. quaest. 1. Iure communi vnus tantum vir, vel vna tantum mulier suscipere debent in baptismum infantem, *ca. non plures, de consec. dist. 4. c. fin. de cognat. spirit. in 6.* quia baptismus vt adoptio, imitatur naturam, *g. minorem, de adoptio. vel duo ad summum, nempe vir & mulier, vt concilio Tridentino nuper cautum, in concil. Trident. 8. sessio. c. 2. reformationis.* Plures tamen aliquando adfunt, & si sunt, contrahunt & illi cognationem hanc, *d. c. fin. de cognat. spirit. in 6.* quae ex susceptione vel praesentatione in facie nascitur. Na ex hac praesentatione nascitur affinitas & cognatio spiritalis, & filius eius quoque dicitur, qui eum in fide instruit, & baptizat, *c. contracto. c. 5. de cognat. spirit. c. 2. eod. tit. in 6. can. in catechismo. de consec. dist. 4. c. si quis vnus, 30. q. 4. cano. sciscitatur. c. si quis, 30. q. 4.* Atque qui de fonte aliquem leuauerunt, vt prohi parentes, debent baptizatum filium docere in fide, in symbolo saltem & oratione dominica, *can. vos ante omnia, de consec. dist. 4. vt & ipsi baptizati adulti facti, tenentur ad fidem qua profe illi responderunt, can. paruuli, de consec. dist. 4.*

19 \dagger In summa \dagger baptismus ad consequendam remissionem peccatorum institutionem habet, originalis & actuali antea commissorum ab adultis, vt dictum est, & ita secundum Basilium Magnum, in exhortat. ad baptismum. Baptismus, est captiuorum, & a ris alieni remissio, peccati mors, anima regeneratio, amictus splendens, character indelebilis, caeliter, regni caelestis conciliatio, adoptionis gratia. Cui & subscribitur Cyrillus Hierosolymita. in procathechi. Baptismus, inquit, captiuorum liberatio, peccatorum remissio, mors peccati, anima regeneratio, vestimentum candidum, signaculum sanctum & indelebile, curru ad caelum, delicia paradisi, regni caelestis conciliatio, christi magis adoptionis filiorum. Et rursum idem, catech. 18. illuminator. Peccata qua baptismum antecesserunt, anima & corporis vulnera curat Deus per baptismum, ad reliqua autem futura sic nos communicamus omnes, vt mundam corporis hanc vestem custodiamus: nam post peccatum, macula peccati manebunt sicut plaga accepta in corpore, quamuis curata sit: cicatrix tamen manet: sic peccatum vulnerat corpus & animam, & manent signa cicatricum in omnibus. Et D. Cyprianus, lib. 4. Epist. epist. 7. & lib. 3. ad Quirinum. c. 65. Diaboli, inquit, nequitia obsedit corpus hominis vsque ad baptismum, postea cedit, nisi labatur in peccata. Exemplum, Pharaon qui nunquam in filios Israel operari quieuit, donec mari submergeretur: mare autem illud, exemplum futuri baptismi. Nam sicut scorpiones & serpentes, qui in sicco praualent, in aquam praecipitatis praualere nequeunt: sic nec spiritus nequam, qui scorpis & serpentes appellantur: & tamen per nos, data per dominum potestate, calcantur: permanere vltro in hominis corpore non possunt, in quo baptizato & sanctificato incipit Spiritus Sanctus habitare. Docet & D. Paulus, 1. ad Corinth. cap. 10. Scimus tamen

per baptismum manere concupiscentiam, sed attenuatam, *can. per baptismum, de consec. dist. 4.*

\dagger In baptismum \dagger pertractando vitanda sunt haereses, prior illa \dagger Anabaptitarum seu rebaptizantium, vt supra diximus. Item alia quae vult dominum nostrum Iesum Christum baptizatum & a peccatis ablutum a D. Ioanne Baptista: tamen illo baptismum, ipse potius aquas sanctificauit, quam ab illis sanctificatus fuerit, *vide can. si baptizata est, & ca. non regenerantur, de consecrat. dist. 4.* De hinc & alia Messalianorum, quos \dagger xianus, id est, erantes dicebant. Qui & \dagger dicitur, id est, sacrificatores: illi enim afferrebant nullam utilitatem ex sancto baptismate baptizatis accedere, & solam studiosam orationem effugate daemone: insuper vnumquemque; nasceturum a progenitore suo, sicuti naturam, sic etiam daemone trahere famulatum, quibus expulsi per orationem illam studiosam Sanctum Spiritum aduenire, & sentibiliter & visibiliter suam designare praesentiam, & c. vt est apud Theod. lib. 7. hist. tripart. c. 11. Item & illa, quae impie aditrit, filios ex parentibus catholicis natos non egerit baptismum, sed in fide parentum saluari, contra illud, *nisi quis renatus fuerit ex aqua, & Spiritu Sancto, & c. D. Ioan. c. 3.* Item cauendum est, ne dicamus campanas seu tintinabula, quae benedicuntur, & nomen vt discerni possint accipiunt, vt & alia inanimata res, eo baptismum, quo remissio peccatorum confertur, baptizari: quia inanimata res sunt. Sic & scriptum est in legibus capitularibus Caroli Magni latis Aquiligrani in artic. 18. *clochas no baptizent, nec chartas per pericas suspendant propter grandinem.* Non tamen nouum est, vel a fide Christiana alienum, campanas benedicere, & vngere, seu nomen eis dare. Nam & in Genesi c. 28. legimus, Iacobum surgentem mane, & memorem visus quo apparuit inibi illi scala ad caelum vsque pertingens, tulisse lapidem, quem capiti suo supposuerat, & erexisse in titulum fundendo oleum desuper, appellasseque nomen vt bis Bethel, quae prius Luza dicebatur.

De Confirmatione. Cap. 5.

- 1 Confirmatio sua de descriptione, arma fortiora in pugna spirituali addit, videlicet Spiritum Sanctum.
- 2 Quae consideranda in confirmatione, de materia, personis confirmantibus, & suscipientibus confirmationem.
- 3 De Anadochis seu praesentantibus confirmandos, & qui possint esse.
- 4 Confirmationis facienda forma.

Confirmationis, \dagger sacramentum in ecclesia est catholica post baptismum conferendum, sine quo potest quidem homo saluari baptizatus: at sine eo bene esse non potest, vt pote cum per eam arma fortiora, Spiritum sanctum videlicet, quis accipiat, aduersus impetus daemone & altorem, quorum pugna spiritali continuo distringimur, *can. Spiritus sanctus, & ca. nouissime, de consec. dist. 5.* Ideo omnibus Christianis necessaria in ecclesia, *c. 1. de consec. dist. 1.* Scribit Nicephorus, lib. 6. Hist. eccles. dist. c. 3. Nouatum non potuisse habere Spiritum sanctum, ex eo, quod baptizatus non recepisset ab episcopo signaculum, quod confirmationem vocamus. Atque Eusebius Pamphili lib. 6. c. 33. de Nouato loquens, *Nouatus, inquit, Spiritu immundo vexatus, cum aliquantum temporis consumsisset apud Exorcistas, agritudine incurrit grauem, ita vt desperaretur, vnde iacens in lecto, pro necessitate perfusus est, nec reliqua in eo qua baptismum subsequi solent, sollemniter adimpleta sunt, nec signaculo christiatus consummatus, vnde nec Spiritum sanctum vnquam potuit promereri.* \dagger Considera \dagger in hoc sacramento materiam, personam, & formam, seu modum conferendi. Materia christiata est, quod consecratur in cena Domini, quo vitur tunc ecclesia, vsque perpetuo, *Cypria. lib. 1. de vnct. christ. ma. & alii sacramenta. D. Dionys. Areopag. lib. de eccles. Hierar. c. 2. & 3. Clemens, lib. recognit. 3. epist. 2. in concilio Carthag. 3. & 4. Fabianus Papa & martyr, epist. 2. ad orientales, concil. Tolet. 1. c. 20. Brachaten. i. c. 37. can. illud, 95. dist.* Christa, symbolum est, nos esse luctatores contra Diabolum, vt ait Prosper in sententia Angustini, *nu. 34. 2.* In personis, qui confert vel confirmat necessario est episcopus, *c. de his, & c. seq. de consec. dist. 5. c. quamuis, 68. dist. in c. presbyteros, 97. dist. in Actuum. 8. ca. Spiritus sanctus, de consec. dist. 5.* quod & firmat concilium Aurelianense, *can. 3. Meldenle, can. 6.* Aliquando tamen ex causa necessitatis cum episcopus haberi non potuit, fuit ipsum munus presbyteris concessum, *can. peruenit, 95. dist.* Ceterum qui confirmatur, debet excedere septennium, & esse, ni fallor, eius aetatis, in qua pugnandum illi cum daemone, & succubuisse peccatum est. Debetque esse ieiunus & coeessus, excepta causa necessitatis, vt & episcopi conferentes,

